

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Komisija za provođenje izbora**

**IZVJEŠTAJ
o provedenim izborima u Mjesnoj zajednici Koprivnica**

Kakanj, oktobar 2019. godine.

Zaključkom Općinskog vijeća broj: 01/1-34-280/19 od 30.09.2019. godine ovlaštena je Komisija za provođenje izbora u mjesnim zajednicama Bištrani, Gornja Ričica, Kučići i Plandište da provede izbore za članove Savjeta Mjesne zajednice Koprivnica.

Komisija je u skladu sa ranije usvojenim Programom aktivnosti na provođenju izbora u mjesnim zajednicama izvršila:

1. Izrada javnog poziva

Javni poziv objavljen je dana 04.10.2019. godine na internet stranici općine Kakanj i facebook-u Općine Kakanj. Javni poziv umnožen je u više primjeraka formata A4, te isti izvješten na vidna mjesta po naseljenim mjestima Mjesne zajednice Koprivnica.

Javni poziv sadržavao je dan održavanja izbora, naziv biračkih mjesta, tačno vrijeme i mjesto predviđeno za održavanje izbora.

Pored navedenog, građani su obaviješteni da kandidacijske liste mogu preuzeti u Službi za opću upravu radne i zajedničke poslove, lokalnu samoupravu i mjesne zajednice.

2. Kandidatski list i izjava o prihvatanju kandidature

Kandidatski list u skladu sa Uputstvom za podnošenje i ovjeru kandidatskih lista sadrži: ime i prezime kandidata, adresu stanovanja, naziv MZ i podružnice za koju se predlaže, kontakt telefon i datum. Uz ove podatke, nalazili su se podaci o predlagачu (naziv organizacije, adresa-sjedište kontakt telefon). Izjava o prihvatanju sadržavala je podatke o kandidatu, adresi, potpis i datum.

Kandidatski list izrađen je na identičan način kao i za ranije provedene izbore tajnim glasanjem u mjesnim zajednicama.

3. Utvrđivanje i donošenje odluke o biračkim mjestima

Komisija je u saradnji sa građanima određivala biračka mjesta prema potrebama mjesne zajednice. Komisija je na prijedlog građana odredila tri biračka mjesta i to u naselju Potoci, Koprivnici i Donjem Banjevcu.

4. Birački spisak

Kao i u ranijem postupku provođenja izbora za birački spisak Mjesne zajednice Koprivnica korištena je softverska aplikacija Centralne izborne komisije Bosne i Hercegovine, na bazi koje je sačinjen birački spisak.

Birački spisak identičan je spisku koji se koristi za Opće i Lokalne izbore.

5. Glasачke kutije i pečati

U cilju transparentnog postupka glasanja u Mjesnoj zajednici Koprivnica korištena je glasačka kutija Općinske izborne komisije Kakanj sa pratećim pečatima.

6. Brojanje glasova i objava preliminarnih rezultata izbora

Kako se praksa brojanja glasova, odmah nakon zatvaranja biračkog mjesta pokazala praktičnom i zadovoljavajućom sa aspekta kandidata koji se nalaze na glasačkim listićima, Komisija je i u ovom slučaju odlučila brojati glasove na licu mjesta.

U Mjesnoj zajednici Koprivnica postupku brojanja glasova prisustvovali su svi kandidati koji su se nalazili na glasačkim listićima. Preliminarni i nepotvrđeni rezultati učinjeni su dostupnim istog dana, kako predloženim kandidatima, tako i građanima ove mjesne zajednice.

MJESNA ZAJEDNICA	Upisano u CBS	Glasalo	Predsjednik i članovi Savjeta	Osvojio glasova
KOPRIVNICA	453	117	Bašić Zihnija Karahodžić Eniz Penjić Ekrem Karić Hajrudin	40 37 30 25

Kandidat Bašić Zihnija osvojio je najveći broj glasova, pa se predlaže za predsjednika savjeta Mjesne zajednice Koprivnica shodno odredbama člana 80. Statuta Općine Kakanj.

Ostali kandidati za članove savjeta predlažu se prema podružnicama Mjesne zajednice Koprivnica. Mandat predloženih članova savjeta, kao i u mjesnim zajednicama Bištrani, Gornja Ričica, Kučići i Plandište, traje do provođenja redovnih izbora za sve mjesne zajednice Općine Kakanj 2021.godine.

7. Prigovori i primjedbe

Na rad i odluke Komisije nije bilo pismenih primjedbi i prigovora. Iako je Komisija izradila Upustvo o procedurama za akreditiranje posmatrača, prijedloga za imenovanje nije bilo.

PRIJEDLOG KOMISIJE

Shodno gore navedenom, predlaže se Općinskom vijeću Općine Kakanj da usvoji Izvještaj Komisije i potvrdi izborne rezultate za članove savjeta u Mjesnoj zajednici Koprivnica.

Komisija za provođenje izbora